

摘藻堂四庫全書薈要

集部

欽定四庫全書蒼要卷一萬七千五百八十六集部

御定全唐詩卷一百八十一

李白

安州應城玉女湯作

荊州記云常有玉女乘車投此泉

神女歿幽境湯池流大川陰陽結炎炭造化開靈泉地  
底爍朱火沙傍歆素煙沸珠躍明一作晴月皎鏡函空天

氣浮蘭芳滿色漲桃花然精覽萬殊入潛行七澤連愈  
疾功莫尚變盈道乃全濯濯氣清泚一作濯纓晞髮弄

潺湲散下楚王國分澆宋玉田可以奉巡幸奈何隔窮  
偏獨隨朝宗水赴海輸微涓

之廣陵宿常二南郭幽居

綠水接柴門有如桃花源忘憂或假草滿院羅叢萱冥  
色湖上來微雨飛南軒故人宿茅宇夕鳥棲楊園還惜  
詩酒別深為江海言明朝廣陵道獨憶此傾樽

夜下征虜亭

丹陽記亭是晉太安中征虜  
將軍謝安所立因以為名

船下廣陵去月明征虜亭山花如繡頰江火似流螢

下途歸石門舊居

吳山高越水清握手無言傷別情  
將欲辭君挂帆去離魂不散煙郊樹  
此心鬱悵誰能論有愧叨承國士恩  
雲物共傾三月酒歲時同餞五侯門  
羨君素書嘗滿案含丹照白霞色爛  
余嘗學道窮冥筌夢中往往遊仙山  
何當脫屣謝時去壺中別有日月天  
俛仰人間易凋朽鍾峰五雲在軒牖  
惜別愁窺玉女窗歸來笑把洪崖手  
隱居寺隱居山陶公鍊液棲其間  
靈神閉氣昔登攀恬然

但覺心緒閒數人不知幾甲子昨夜

一作來

猶帶冰霜顏

我離雖則歲物改如今了然識所在別君莫道不盡歡  
懸知樂客遙相待石門流水徧桃花我亦曾到秦人家  
不知何處得雞豕就中仍見繁桑麻脩然遠與世事間  
裝鸞駕鶴又復遠何必長從七貴遊勞生徒聚萬金產  
挹君去長相思雲遊雨散從此辭欲知悵別心易苦向  
暮春風楊柳絲

客中行

蘭陵美酒鬱金香  
玉椀盛來琥珀光  
但使主人能醉客  
不知何處是他鄉

太原早秋

歲落衆芳歇  
時當大火流  
霜威出塞早  
雲色渡河秋  
夢繞邊城月  
心飛故國樓  
思歸若汾水  
無日不悠悠

奔亡道中五首

蘇武天上田橫島  
邊萬重關塞斷  
何日是歸年  
亭伯去安在  
李陵降未歸  
愁容變海色  
短服改胡衣

談笑三軍却交游七貴疎仍留一隻箭未射魯連書

函谷如玉關幾時可生還洛陽為易水嵩嶽是燕山俗  
變羌胡語人多沙塞顏申包惟慟哭七日鬢毛斑

淼淼望湖水青青蘆葉齊歸心落何處日没大江西歇  
馬傍春草欲行遠道迷誰恁子規鳥連聲向我啼

郢門秋懷

郢門一為客巴月三成弦朔風正搖落行子愁歸旋杳  
杳山外日茫茫江上天人迷洞庭水雁度瀟湘烟清曠

諧宿好緇磷及此年百齡何蕩漾萬化相推遷空謁蒼  
梧帝徒尋溟海仙已聞蓬海淺豈見三桃園倚劔增浩  
歎捫襟還自憐終當遊五湖濯足滄浪泉

至鴨欄驛上白馬磯贈裴侍御

側疊萬古石橫為白馬磯亂流若電轉舉擢揚珠輝臨  
驛卷緹幕升堂接繡衣情親不避馬為我解霜威

荆門浮舟望蜀江

春水月峽來浮舟望安極正是桃花流依然錦江色江



色綠且明茫茫與天平逶迤巴山盡搖曳楚雲行雪照  
聚沙雁花飛出谷鶯芳洲却已轉碧樹森森迎流目浦  
烟夕揚帆海月生江陵識遙火應到渚宮城

上三峡

巫山夾青天巴水流若茲巴水忽可盡青天無到時三  
朝上黃牛三暮行太遲三朝又三暮不覺鬢成絲

自巴東舟行經瞿塘峽登巫山最高峰晚還題

壁

江行幾千里海月十五圓始經瞿塘峽遂步巫山巔巫  
山高不窮巴國盡所歷日邊攀垂蘿霞外倚穹石飛步  
凌絕頂極目無纖烟却顧失丹壑仰觀臨青天青天若  
可捫銀漢去安在望雲知蒼梧記水辨瀛海周遊孤光  
晚歷覽幽意多積雪照空谷悲風鳴森柯歸途行欲曛  
佳趣尚未歇江寒早啼猿松暝已吐月月色何悠悠清  
猿響啾啾辭山不忍聽揮策還孤舟

早發白帝城

一作白帝  
下江陵

朝辭白帝彩雲間千里江陵一日還兩岸猿聲啼不盡  
輕舟已過萬重山

秋下荆門

霜落荆門江樹空布帆無恙挂秋風此行不為鱸魚膾  
自愛名山入剡中

江行寄遠

剡木出吳楚危槎百餘尺疾風吹片帆日暮千里隔別  
時酒猶在已為異鄉客思君不可得愁見江水碧

宿五松山下荀媪家

我宿五松下寂寥無所歡  
田家秋作苦鄰女夜春寒  
跪進雕胡飯月光明素盤  
令人慚漂母三謝不能餐

下涇縣陵陽溪至澁灘

澁灘鳴嘈嘈兩山足猿獠  
白波若卷雪側足不容舠  
漁子與舟人撐折萬張篙

下陵陽沿高溪三門六刺灘

三門橫峻灘六刺走波瀾  
石驚虎伏起水狀龍縈盤  
何

慙七里瀨使我欲垂竿

夜泊黃山間殷十四吳吟

昨夜誰為吳會吟風生萬壑振空林龍驚不敢水中臥  
猿嘯時聞巖下音我宿黃山碧溪月聽之却罷松間琴  
朝來果是滄洲逸酤酒醅一作盤飯霜栗半酣更發江  
海聲客愁頓向杯中失

宿鰕湖

雞鳴發黃山暝投鰕湖宿白雨映寒山森森似銀竹提

攜採鉉客結荷水邊  
沐半夜四天開  
星河爛人目明晨  
大樓去岡隴多屈伏  
當與持斧翁前  
溪伐雲木

西施

西施越溪女出自苧蘿山  
秀色掩今古荷花羞玉顏  
沈沈紗弄碧水自與清波間  
皓齒信難開沈吟碧雲間  
句踐徵絕艷揚蛾入吳關  
提攜館娃宮香渺詎可攀  
一破夫差國千秋竟不還

王右軍

右軍本清真瀟灑出

一作

風塵山陰過羽客愛此好鵝

賓掃素寫道經筆精妙入神書罷籠鵝去何曾別主人

上元夫人

上元誰夫人偏得王母嬌  
嗟我三角髻餘髮散垂腰  
裘披青毛錦身著赤霜袍  
手提羸女兒間與鳳吹簫  
省語兩自笑忽然隨風飄

蘇臺覽古

舊苑荒臺楊柳新  
菱歌清唱不勝春  
只今唯有西江月

曾照吳王宮裏人

越中覽古

越王句踐破吳歸義士還鄉

一作家

盡錦衣宮女如花滿

春殿只今惟有鷓鴣飛

商山四皓

白髮四老人昂藏南山側偃臥松雪間冥翳不可識雲  
窗拂青靄石壁橫翠色龍虎方戰爭於焉自休息秦人  
失金鏡漢祖昇紫極陰虹濁太陽前星遂淪匿一行佐



明聖

一作兩

倏起生羽翼功成身不居舒卷在胸臆官冥

合元化茫昧信難測飛聲塞天衢萬古仰遺則

過四皓墓

我行至商洛幽獨訪神仙園綺復安在雲蘿尚宛然荒  
涼千古跡蕪沒四墳連伊昔鍊金鼎何年閉玉泉隴寒  
惟有月松古漸無烟木魅風號去山精雨嘯旋紫芝高  
詠罷青史舊名傳今日併如此哀哉信可憐

峴山懷古

訪古登峴首憑高眺裏中天清遠峰出水落寒沙空弄  
珠見遊女醉酒一作月懷山公感嘆發秋興長松鳴夜風

蘇武

蘇武在匈奴十年持漢節白雁上林飛空傳一書札牧  
羊邊地苦落日歸心絕渴飲月窟冰飢餐天上雪東還  
沙塞遠北愴河梁別泣把李陵衣相看淚成血

經下邳圯橋懷張子房

子房未虎嘯破產不為家滄海得壯士推秦博浪沙報

韓雖不成天地皆振動  
潛匿遊下邳豈曰非智勇  
我來圮橋上懷古欽英風  
惟見碧流水曾無黃石公  
歎息此人去蕭條徐泗空

金陵三首

晉家南渡日此地舊

一作即

長安地即帝王宅  
山為龍虎

盤

一作碧宇樓臺  
滿青山龍虎盤

金陵空壯觀天塹

一作江塞

淨波瀾醉客

回橈去吳歌且自歡

一作誰云  
行路難

地擁金陵勢城迴江

一作漢

水流當時百萬戶  
夾道起朱

樓亡國生春草離宮沒古丘空餘後湖月波上對江

一作

瀛州

六代興亡國三杯為爾歌苑方秦地少

一作小

山似洛陽

多古殿吳花草深宮晉綺羅併隨人事滅東逝與一作只滄波

秋夜板橋浦泛月獨酌懷謝朓

天上何所有迢迢白玉繩斜低建章闕耿耿對金陵漢  
水舊如練霜江夜清澄長川瀉落月洲渚曉寒凝獨酌  
板橋浦古人誰可徵玄暉難再得灑酒一作淚氣填膺

入彭蠡經松門觀石鏡緬懷謝康樂題詩書遊

覽之志

謝公之彭蠡因此遊松門余方窺石鏡兼得窮江源將

欲一作繼風雅豈徒清心魂前賞逾所見後來道空存

欲將

况屬臨汎美而無洲渚喧漾水向東去漳流直南奔空  
濛三川夕回合千里昏青桂隱遙月綠楓鳴愁猿水碧

或可采金精祕莫論吾將學仙去莫與琴高言

一作過彭蠡湖

云謝公入彭蠡因此遊松門余方窺石鏡兼得窮江源  
前賞跡可見後來道空存而欲繼風雅豈惟清心魂雲

海方助興波濤何足論青嶂憶遙月綠蘿鳴愁後水  
碧或可採金膏秘莫言余將振衣去羽化出囂煩

廬江主人婦

孔雀東飛何處棲廬江小吏仲卿妻為客裁縫君自見  
城烏獨宿夜空啼

陪宋中丞武昌夜飲懷古

清景南樓夜風流在武昌庾公愛秋月乘興坐胡牀龍  
笛吟寒水天河落曉霜我心還不淺懷古醉餘觴

望鸚鵡洲懷禰衡

魏帝營八極蟻觀一襴衡黃祖斗筭人殺之受惡名吳  
江賦鸚鵡落筆超羣英鏘鏘振金玉句句欲飛鳴鷲鷲  
啄孤鳳千春傷我情五嶽起方寸隱然詎可平才高竟  
何施寡識冒天刑至今芳洲上蘭蕙不忍生

宿巫山下

昨夜巫山下猿聲夢裏長桃花飛綠水三月下瞿塘雨  
色風吹去南行拂楚王高丘懷宋玉訪古一霓裳

金陵白楊十字巷

白楊十字巷北夾湖溝道不見吳時人空生唐年草天  
地有反覆宮城盡傾倒六帝餘古丘樵蘇泣遺老

謝公亭

蓋謝朓范  
雲之所遊

謝公離別處風景每生愁客散青天月山空碧水流池  
花春映日窗竹夜鳴秋今古一相接長歌懷舊遊

紀南陵題五松山

聖達有去就潛光愚其德魚與龍同池龍去魚不測當  
時版築輩豈知傳說情一朝和殷羹光氣為列星伊尹



生空桑捐庖佐皇極，桐宮放太甲攝政無愧色。三年帝道明，委質終輔翼。曠哉至人心，萬古可為則。時命或大

繆，仲尼將

一作其

奈何鸞鳳忽覆巢，麒麟不來過龜山。蔽

魯國有斧且無柯，歸來歸去來

一作歸去來歸去

宵濟越洪波

夜泊牛渚懷古

此地即謝尚聞袁宏詠史處

牛渚西江夜，青天無片雲。登舟望秋月，空憶謝將軍。余

亦能高詠斯人不可聞，明朝挂帆席

一作洞庭去

楓葉落

一作

正  
紛紛

姑孰十詠

一作李赤詩

姑孰溪

愛此溪水閒乘流興無極漾楫怕鷗驚垂竿待魚食波  
翻曉霞影岸疊春山色何處浣紗人紅顏未相識

丹陽湖

湖與元氣連風波浩難止天外賈客歸雲間片帆起龜  
遊蓮葉上鳥宿蘆花裏少女櫂歸舟歌聲逐流水

謝公宅

青山日將暝寂寞謝公宅竹裏無人聲池中虛月白荒  
庭衰草徧廢井蒼苔積惟有清風閒時時起泉石

陵歆臺

曠望登古臺臺高極人目疊嶂列遠空雜花間平陸閒  
雲入窗牖野翠生松竹欲覽碑上文苔侵豈堪讀

桓公井

桓公名已古廢井曾未竭石甃冷蒼苔寒泉湛孤月秋  
來桐暫落春至桃還發路遠人罕窺誰能見清徹

一作  
潔

慈姥竹

野竹攢石生含烟映江島翠色落波深虛聲帶寒早龍吟曾未聽鳳曲吹應好不學蒲柳凋貞心嘗自保

望夫山

顛望臨碧空怨情感離別江草不知愁巖花但爭發雲山萬重隔音信千里絕春去秋復來相思幾時歇

牛渚磯

絕壁臨巨川連峰勢相向亂石流湫間迴波自成浪但

驚羣木秀莫測精靈狀更聽猿夜啼憂心醉江上

靈墟山

丁令辭世人拂衣向仙路伏鍊九丹成方隨五雲去松  
蘿蔽幽洞桃杏深隱處不知曾化鶴遼海歸幾度

天門山

迥出江山上雙峰自相對岸映松色寒石分浪花碎參  
差遠天際縹緲晴霞外落日舟去遙回首沉青靄

御定全唐詩卷一百八十一

欽定四庫全書薈要卷一萬七千五百八十七

集部

御定全唐詩卷一百八十二

李白

與元丹丘方城寺談玄作

茫茫大夢中惟我獨先覺  
騰轉風火來假合作容貌滅  
除昏疑盡領畧入精要  
澄慮觀此身因得通寂照  
朗悟前後際始知金仙妙  
幸逢禪居人酌玉坐相召  
彼我俱若喪雲山豈殊調  
清風生虛空明月見談笑  
怡然青蓮

宮永願恣遊眺

尋高鳳石門山中元丹丘

尋幽無前期乘興不覺遠蒼厓渺難涉白日忽欲晚未  
窮三四山已歷千萬轉寂寂聞猿愁行行見雲收高松  
來好月空谷宜清秋溪深古雪在石斷寒泉流峯巒秀  
中天登眺不可盡丹丘遙相呼顧我忽而哂遂造窮谷  
間始知靜者閒留歡達永夜清曉方言還

安州般若寺水閣納涼喜遇薛員外又

脩然金園賞遠近含晴光樓臺成海氣草木皆天香忽  
逢青雲士共解丹霞裳水退池上熱風生松下涼吞討  
破萬象窳窺臨衆芳而我遺有漏與君用無方心垢都  
已滅永言題禪房

魯中都東樓醉起作

昨日東樓醉

一作  
城飲

還應

一作  
歸來

倒接離阿誰扶上馬不省

下樓時

對酒醉題屈突明府廳



陶令八十日長歌歸去來故人建昌宰借問幾時迴風  
落吳江雪紛紛入酒杯山翁今已醉舞袖為君開

月下獨酌四首

花間

一作下  
一作前

一壺酒獨酌無相親舉杯邀明月對影成三

人月既不解飲影徒隨我身暫伴月將影行樂須及春  
我歌月裏回我舞影零亂醒時同交歡醉後各分散永  
結無情遊相期邈雲漢

一作碧  
巖畔

天若不愛酒酒星不在天地若不愛酒地應無酒泉天

地既愛酒愛酒不愧天已聞清比聖復道濁如賢賢聖  
既已飲何必求神仙三杯通大道一斗合自然但得酒  
中趣勿為醒者傳

三月咸陽城

一作時

千花晝如錦

一作好鳥吟清風落花  
散如錦一作園鳥語成

歌庭花  
笑如錦

誰能春獨愁對此徑須飲窮通與修短造化夙  
所稟一樽齊死生萬事固難審醉後失天地兀然就孤  
枕不知有吾身此樂最為甚

窮愁千萬端

一作有  
千端

美酒三百杯

一作唯  
數杯

愁多酒雖少

酒傾愁不來所以知酒聖酒酣心自開辭粟臥首陽

一作

伯夷屢空飢顏回當代不樂飲虛名安在哉蟹螯即金液

糟丘是蓬萊且須飲美酒乘月醉高臺

春歸終南山松龕舊隱

我來南山陽事事不異昔却尋溪中水還望巖下石  
薔薇緣東窗女蘿遶北壁別來能幾日草木長數尺且復  
命酒樽獨酌陶永夕

冬夜醉宿龍門覺起言志

醉來脫寶劍旅憇高堂眠中夜忽驚覺起立明燈前開  
軒聊直望曉雪河水壯哀哀歌苦寒鬱鬱獨惆悵傳說  
版築臣李斯鷹犬人欵起匡社稷寧復長艱辛而我胡  
為者歎息龍門下富貴未可期殷憂向誰寫去去淚滿  
襟舉聲梁甫吟青雲當自致何必求知音

尋山僧不遇作

石徑入丹壑松門閉青苔閒階有鳥跡禪室無人開窺  
窗見白拂挂壁生塵埃使我空歎息欲去仍裴回香雲

徧山起花雨從天來已有空樂好况聞青猿哀了然絕  
世事此地方悠哉

過汪氏別業二首

遊山誰可遊子明與浮丘疊嶺礙河漢連峰橫斗牛汪  
生面北阜池館清且幽

一作幽  
清幽

我來感意氣槌魚列珍

羞掃石待歸月開池漲寒流酒酣益爽氣為樂不知秋  
疇昔未識君知君好賢才隨山起館宇鑿石營池臺星  
一作  
大 火五月中景風從南來數枝石榴發一丈荷花開

恨不當此時相過醉金罍  
我行值木落月苦青猿哀  
永夜達五更吳歛送瓊杯  
酒酣欲起舞四座歌相催  
日出遠海明軒車且裴回  
更遊龍潭去枕石拂莓苔

待酒不至

玉壺繫青絲沽酒來何遲  
山花向我笑正好銜杯時  
晚酌東窗一作軒下流鶯復在茲  
春風與醉客今日乃相宜

獨酌

春草如有意羅生玉堂陰  
東風吹愁來白髮坐相侵  
獨

酌勸孤影閒歌面芳林長松爾何知一作本無情蕭瑟為誰

吟手舞石上月膝橫花間琴過此一壺外悠悠非我心

一本云春草遍綠野新鶯有佳音落日不盡歡恐為愁所侵獨酌勸孤影閒歌面芳林清風尋空來巖松與共吟手舞石上月膝橫花下琴過此一壺外悠悠非我心

友人會宿

滌蕩千古愁留連百壺飲良宵宜清談皓月未一作誰能

寢醉來臥空山天地即衾枕

春日獨酌二首

東風扇淑氣水木榮春暉  
日照綠草落花散且飛  
孤雲還空山衆鳥各已歸  
彼物皆有託吾生獨無依  
對此石上月長醉歌

一作歌醉芳菲

我有紫霞想緬懷滄洲間思

且一作

對一壺酒澹然萬事

閒橫琴倚高松把酒望遠山  
長空去鳥沒落日孤雲還  
但恐光景晚宿昔成秋顏

金陵江上遇蓬池隱者

時於落星石上以紫綺裘換酒為飲

心愛名山遊身隨名山遠  
羅浮麻姑臺此去或未返  
遇



君蓬池隱就我石上飯空言不成歡強笑惜日晚綠水  
向雁門黃雲蔽龍山歎息兩客鳥裴回吳越間共一作  
語一執手留連夜將久解我紫綺裘且換金陵酒酒來  
笑復歌興酣樂事多水影弄月色清光奈愁何明晨挂  
帆席離恨滿滄波

月夜聽盧子順彈琴

閒坐夜

一作  
夜坐

明月幽人彈素琴忽聞悲風調宛若寒松

吟白雪亂纖手綠水清虛心鍾期久已沒世上無知音

清溪半夜聞笛

羌笛梅花引吳溪隴水情

一作清

寒山秋浦月腸斷玉關

聲

一作情

日夕山中忽然有懷

久臥青

一作名

山雲遂為青

一作名

山容山深雲更好賞弄

終日夕月銜樓間峰泉漱階下石素心自此得真趣非  
外惜颺啼桂方秋風滅籟歸寂緬思洪厓術欲往滄海  
隔雲車來何遲撫几空歎息

夏日山中

嬾搖白羽扇  
裸體青林中  
脫巾挂石壁  
露頂洒松風

山中與幽人對酌

兩人對酌山花開  
一杯一杯復一杯  
我醉欲眠卿且去

明朝有意抱琴來

春日醉起言志

處世若大夢  
胡為勞其生  
所以終日醉  
頽然臥前楹  
覺來盼庭前一鳥  
花間鳴借問此  
何時春風語  
流鶯感之

欲歎息對酒還自傾  
浩歌待明月曲盡已忘情

廬山東林寺夜懷

我尋青蓮宇獨往謝城闕  
霜清東林鐘水白虎溪月天  
香生虛空天樂鳴不歇  
宴坐寂不動大千入毫髮  
湛然冥真心曠劫斷出沒

尋雍尊師隱居

羣峭碧摩天逍遙不記年  
撥雲尋古道倚石聽流泉  
花暖青牛臥松高白鶴眠  
語來江色暮獨自下寒烟

與史郎中欽聽黃鶴樓上吹笛

一為遷客去長沙西望長安不見家黃鶴樓中吹玉笛

江城五月落梅花

對酒

勸君莫拒杯春風笑人來桃李如舊識傾花向我開流

鶯啼碧樹明月窺金壘昨日一作來朱顏子今日白髮催

棘生石虎殿鹿走姑蘇臺自古帝王宅城闕閉黃埃君

若不飲酒昔人安在哉

醉題王漢陽廳

我似鷓鴣鳥南遷  
嬾北飛時尋漢陽  
令取醉月中歸  
嘲王歷陽不肯飲酒

地白風色寒雪花大如手  
笑殺陶淵明不飲杯中酒  
浪撫一張琴虛栽五株柳  
空負頭上巾吾於爾何有

獨坐敬亭山

衆鳥高飛盡孤雲獨去閒  
相看兩不厭只有敬亭山

自遣

對酒不覺暝落花盈我衣醉起步溪月鳥還人亦稀  
訪戴天山道士不遇

犬吠水聲中桃花帶雨濃樹深時見鹿溪午不聞鐘野  
竹分青靄飛泉挂碧峰無人知所去愁倚兩三松

秋日與張少府楚城韋公藏書高齋作

日下空庭暮城荒古跡餘地形連海盡天影落江虛舊  
賞人雖隔新知樂未踈彩雲思作賦丹壁間藏書植擁  
隨流葉萍開出水魚夕來秋興滿回首意何如

秋夜獨坐懷故山

小隱慕安石遠遊學屈

子一作

平天書訪江海雲臥起咸

京入侍瑤池宴出陪玉輦行誇胡新賦作諫獵短書成  
但奉紫霄顧非邀青史名莊周空說劍墨翟耻論兵拙  
薄遂疎絕歸間事耦耕顧無蒼生望空愛紫芝榮寥落  
暝霞色微茫舊壑情秋山綠蘿月今夕為誰明

憶崔郎中宗之遊南陽遺吾孔子琴撫之潛然

感舊



昔在南陽城唯餐獨山蕨憶與崔宗之白水弄素月時  
過菊潭上縱酒無休歇泛此黃金花頽然清歌發一朝  
摧玉樹生死殊飄忽留我孔子琴琴存人已沒誰傳廣  
陵散但哭邛山骨泉戶何時明長掃一作歸狐兔窟

憶東山二首

不向東山久薔薇幾度花白雲還自散明月落誰家  
我今攜謝妓長嘯絕人羣欲報東山客開闢掃白雲

望月有懷

清泉映踈松不知幾千古寒月搖清波流光入窗戶對  
此空長吟思君意何深無因見安道興盡愁人心

對酒憶賀監二首

并序

太子賓客賀公於長安紫極宮一見余呼余為謫  
仙人因解金龜換酒為樂歿後對酒悵然有懷而  
作是詩

四明有狂客風流賀季真長安一相見呼我謫仙人昔  
好杯中物翻一作為松下塵金龜換酒處却憶淚沾巾

狂客歸四明山陰道士迎敕賜鏡湖水為君臺沼榮人  
亡餘故宅空有荷花生念此杳如夢淒然傷我情

重憶一首

欲向江東去定將誰舉杯稽山無賀老却擢酒船回

春滯沅湘有懷山中

沅湘春色還風暖烟草綠古之傷心人於此腸斷續予  
非懷沙客但美採菱曲所願歸東山寸心於此足

落日憶山中

雨後烟景綠晴天散餘霞東風隨春歸發我枝上花花  
落時欲暮見此令人嗟願遊名山去學道飛丹砂

憶秋浦桃花舊遊時竄夜郎

一本無時竄  
夜郎四字

桃花春水生白石今出沒搖蕩女蘿枝半搖青天月不  
知舊行徑初拳幾枝蕨三載夜郎還於茲鍊金骨

御定全唐詩卷一百八十二

欽定四庫全書薈要卷一萬七千五百八十八集部

御定全唐詩卷一百八十三

李白

越中秋懷

越水遶碧山周迴數千里乃是天鏡中分明畫相似

一本

首四句作蹈海思仲連遊山慕  
康樂攀雲窮千峰弄水涉萬壑愛此從冥搜永懷臨湍

遊

一作幽

一為滄波客十見紅葉秋觀濤壯天險望海令

人愁路遐迫西照歲晚悲東流何必探禹穴逝將歸蓬

丘不然五湖上亦可乘扁舟

效古二首

朝入天苑中謁帝蓬萊宮青山映輦道碧樹搖蒼空謬  
題金閨籍得與銀臺通待詔奉明主抽毫頌清風歸時  
落日晚躡蹠浮雲馳人馬本無意飛馳自豪雄入門紫  
鴛鴦金井雙梧桐清歌弦古曲美酒沽新豐快意且為  
樂列筵坐羣公光景不可留生世如轉蓬早達勝晚遇  
羞比垂釣翁

自古有秀色西施與東鄰蛾眉不可妬况乃效其曠所  
以尹婕妤羞見邢夫人低頭不出氣塞默少精神寄語  
無鹽子如君何足珍

擬古十二首

青天何歷歷明星如白石

一作白  
如石

黃姑與織女相去不

盈尺銀河無鵲橋非時將安適閨人理紈素遊子悲行  
役瓶冰知冬寒霜露欺遠客客似秋葉飛飄颻不言歸  
別後羅帶長愁寬去時衣乘月託宵夢因之寄金徽



高樓入青天下有白玉堂明月看欲墮當窗懸清光遙  
夜一美人羅衣霑秋霜含情弄柔瑟彈作陌上桑弦聲  
何激烈風捲逸飛梁行人皆躑躅栖鳥起廻翔但寫妾  
意苦莫辭此曲傷願逢同心者飛作紫鴛鴦

長繩難繫日自古共悲辛黃金高北斗不惜買陽春石  
火無留光還如世中人即事已如夢後來我誰身提壺  
莫辭貧取酒會四鄰仙人殊恍惚未若醉中真

清都綠玉樹灼爍瑤臺春攀花弄秀色遠贈天仙人香

風送紫藥直到扶桑津  
取掇世上艷所貴心之珍  
相思傳一笑聊欲示情親

今日風日好明日恐不如  
春風笑於人何乃愁自居吹  
簫舞彩鳳酌醴鱸神魚千金買  
一醉取樂不求餘達士遺  
天地東門有二疏愚夫同瓦石  
有才知卷舒無事坐

悲苦塊然涸轍

一作魚

運速天地閉胡風結飛霜  
百草死冬月六龍頽西荒  
太白出東方彗星揚精光  
鴛鴦非越鳥何為眷南翔  
惟昔

鷹將犬令為侯與王得水成蛟龍爭池奪鳳凰北斗不酌酒南箕空簸揚

世路今太行迴車竟何託萬族皆凋枯遂無少可樂曠野多白骨幽魂共銷鑠榮貴當及時春華宜照灼人非崑山玉安得長璀璨身沒期不朽榮名在麟閣

月色不可掃客愁不可道玉露生秋衣流螢飛百草日月終銷毀天地同枯槁蟋蟀啼青松安見此樹老金丹寧誤俗昧者難精討爾非千歲翁多恨去世早飲酒入

玉壺藏身以為寶

生者為過客死者為歸人  
天地一逆旅同悲萬古塵  
月兔空搗藥扶桑已成薪  
白骨寂無言青松豈知春  
前後更嘆息浮榮安足珍

仙人騎彩鳳昨下閬風岑  
海水三清淺桃源一見尋  
遺我綠玉栝兼之紫瓊琴  
栝以傾美酒琴以閒素心  
二物非世有何論珠與金  
琴彈松裏風栝勸天上月  
風月長相知世人何倏忽

涉江弄秋水愛此荷花鮮攀荷弄其珠蕩漾不成圓佳

人綠雲裏欲贈隔遠天相思無由見悵望涼風前

又折荷有

贈云涉江翫秋水愛此紅蕖鮮攀荷弄其珠蕩漾不成圓佳期彩雲重欲贈隔遠天相思無由見悵望涼風前

去去復去去辭君還憶君漢水既殊流楚山亦此人  
生難稱意豈得長為羣越燕喜海日燕鴻思朔雲別久  
容華晚琅玕不能飯日落知天昏夢長覺道遠望夫登  
高山化石竟不返

感興六首

集本八首內二首與古風同前已附註不重錄

瑤姬天帝女精彩化朝雲宛轉入宵夢無心向楚君錦  
衾抱秋月綺席空蘭芬茫昧竟誰測空傳宋玉文

洛浦有宓妃飄飄雪爭飛輕雲拂素月了可見清輝解  
珮欲西去含情詎相違香塵動羅襪綠水不需衣陳王  
徒作賦神女豈同歸好色傷大雅多為世所譏

裂素持作書將寄萬里懷眷眷待遠信竟歲無人來征  
鴻務隨陽又不為我棲委之在深篋蠹魚壞其題何如  
投水中流落他人開不惜他人開但恐生是非

十五遊神仙仙遊未曾歇吹笙坐

一作吟

松風汎瑟窺海

月西山玉童子使我鍊金骨欲逐黃鶴飛相呼向蓬闕  
西國有美女結樓青雲端蛾眉艷曉月一笑傾城歡高  
節不可奪炯心如凝丹常恐彩色晚不為人所觀安得  
配君子共乘雙飛鸞

嘉穀隱豐草草深苗且稀農夫既不異孤穗將安歸常  
恐委疇隴忽與秋蓬飛烏得薦宗廟為君生光輝

寓言三首

周公負斧扆成王何夔夔武王昔不豫剪爪投河湄賢  
聖遇讒慝不免人君疑天風拔大木木未黍咸傷萎管蔡  
扇蒼蠅公賦鴟鴞詩金縢若不啟忠信誰明之

搖裔雙彩鳳婉孌三青禽往還瑤臺裏鳴舞玉山岑以  
歡秦娥意復得王母心區區精衛鳥銜木空哀

一作沈吟

長安春色歸先入青門道綠楊不自持從風欲傾倒海  
燕還秦宮雙飛入簾櫳相思不相見託夢遼城東

### 秋夕旅懷



涼風度秋海吹我鄉思飛連山去無際流水何時歸目  
極浮雲色心斷明月暉芳草歇柔艷白露催寒衣夢長  
銀漢落覺罷天星稀含悲想舊國泣下誰能揮

感遇四首

吾愛王子晉得道伊洛濱金骨既不毀玉顏長自春可  
憐浮丘公猗靡與情親舉首白日間分明謝時人二仙  
去已遠夢想空殷勤

可歎東籬菊莖踈葉且微雖言異蘭蕙亦自有芳菲未

泛盈樽酒徒霑清露輝當榮君不採飄落欲何依  
昔余聞姮娥竊藥駐雲髮不自嬌玉顏方希鍊金骨飛  
去身莫返含笑坐明月紫宮誇蛾眉隨手會凋歇

宋玉事楚王立身本高潔巫山賦綵雲郢路歌白雪舉  
國莫能和巴人皆卷舌一感登徒言恩情遂中絕

翰林讀書言懷呈集賢

一本此下有院內二字

諸學士

晨趨紫禁中夕待金門詔觀書散遺帙探古窮至妙片  
言苟會心掩卷忽而笑青蠅易相點白雪難同調本是

疎散人屢貽褊促，誚雲天屬清朗。林壑憶遊眺，或時清

風來間倚欄。

一作檐

下嘯巖光桐廬溪，謝客臨海嶠功成。

謝人間

一作君

從此一投釣。

尋陽紫極宮感秋作

何處聞秋聲，脩脩北窗竹。迴薄萬古心，攬之不盈掬。靜坐觀衆妙，浩然媚幽獨。白雲南山來，就我檐下宿。嬾從唐生決，羞訪李主卜。四十九年非，一往不可復。野情轉蕭灑，世道有翻覆。陶令歸去來，田家酒應熟。

江上秋懷

餐霞臥舊壑散髮謝遠遊  
山蟬號枯桑始復知天秋  
朔雁別海裔越燕辭江樓  
颯颯風卷沙茫茫霧縈洲  
黃雲結暮色白水揚寒流  
惻愴心自悲潺湲淚難收  
蘅蘭方蕭瑟長嘆令人愁

秋夕書懷

一作秋日  
南遊書懷

北風吹海雁南渡落寒聲  
感此瀟湘客淒其流浪情  
海

懷結滄洲

一作遠心  
飛蒼梧

霞

一作退

想遊赤城始探蓬壺事

一作

術旋覺天地輕澹然吟

一作思

高秋閒臥瞻太清蘿月掩

一作隱

空幕松霜結

一作皓

前楹

一作散前楹

滅見息羣動獵

微窮至精桃花有源水可以保吾生

避地司空原言懷

南風昔不競豪聖思經綸劉琨與祖逖起舞雞鳴晨雖  
有匡濟心終為樂禍人我則異於是潛光皖水濱卜築  
司空原北將天柱鄰雪霽萬里月雲開九江春俟乎秦  
階平然後託微身傾家事金鼎年貌可長新所願得此

道終然保清真弄景奔日馭攀星戲河津一隨王喬去  
長年玉天賓

上崔相百憂章

時在潯陽獄

共公赫怒天維中摧鯤鯨噴蕩揚濤起雷魚龍陷人成  
此禍胎火焚崑山玉石相碰仰希霖雨灑寶炎煨箭發  
石開戈揮日迴鄒衍慟哭燕霜颯來微誠不感猶繫夏  
臺蒼鷹搏攫丹棘崔嵬豪聖凋枯王風傷哀斯文未喪  
東嶽豈頽穆逃楚難鄒脫吳災見機苦遲二公所咤驥

不驟進麟何來哉星離一門草擲二孩萬憤結習

一作緝

憂從中催金瑟玉壺盡為愁媒舉酒太息泣血盈杯台  
星再朗天網重恢屈法申恩棄取取材治長非罪尼父  
無猜覆盆儻舉應照寒灰

萬憤詞投魏郎中

海水渤潏人懼鯨鯢翁胡沙而四塞始滔天於燕齊何  
六龍之浩蕩遷白日於秦西九土星分磬磬棲棲南冠  
君子呼天而啼戀高堂而掩泣淚血地而成泥獄戶

一作

時當春而不草獨幽怨而沈迷兄九江兮弟三峽悲羽化

之難齊穆陵關北愁愛子豫章天南隔老妻一門骨肉  
散百草遇難不復相提攜樹榛拔桂囚鸞寵雞舜昔授  
禹伯成耕犁德自此衰吾將安棲好我者恤我不好我  
者何忍臨危而相擠子胥鳴夷彭越醢醢自古豪烈胡  
為此繫蒼蒼之天高乎視低如其聽卑脫我牢狴儻辨  
美玉君收白珪

荊州賊平臨洞庭言懷作



修蛇橫洞庭吞象臨江島積骨成巴陵遺言聞楚老水  
窮三苗國地窄三湘道歲宴天崢嶸時危人枯槁思歸  
阻喪亂去國傷懷抱郢路方丘墟章華亦傾倒風悲猿  
嘯苦木落鴻飛早日隱西赤沙月明東城草關河望已  
絕氛霧行當掃長叫天可聞吾將問蒼昊

覽鏡書懷

得道無古今失道還衰老自笑鏡中人白髮如霜草捫  
心空嘆息問影何枯槁桃李竟何言終成南山皓

田園言懷

賈誼三年謫班超萬里侯何如牽白犢飲水對清流

江南春懷

青春幾何時黃鳥鳴不歇天涯失鄉一作歸路江外老華

髮心飛秦塞雲影滯楚關月身世殊爛漫田園久蕪沒  
歲宴何所從長歌謝金闕

聽蜀僧濬彈琴

蜀僧抱綠綺西下峨眉峰為我一揮手如聽萬壑松客

心洗流水餘響入霜鐘不覺碧山暮秋雲暗幾重

魯東門觀刈蒲

魯國寒事早初霜刈渚蒲揮鎌若轉月拂水生連珠此  
草若可珍何必貴龍鬚織作玉牀席欣承清夜娛羅衣  
能再拂不畏素塵燕

詠鄰女東窗海石榴

魯女東窗下海榴世所稀珊瑚映綠水未足比光輝清  
香隨風發落日好鳥歸願為東南枝低舉拂羅衣無由

共攀折引領望金扉

南軒松

南軒有孤松柯葉自綿羃清風無閒時瀟灑終日夕陰  
生古苔綠色染秋烟碧何當凌雲霄直上數千尺

詠山樽二首

蟠木不彫飾且將斤斧踈樽成山岳勢材是棟梁餘外  
與金壘並中涵玉醴虛慙君垂拂拭遂忝玳筵居

此一首  
題一

作咏柳少府

山瘿木樽

擁腫寒山木嵌空成酒樽愧無江海量偃蹇在君門

初出金門尋王侍御不遇詠壁上鸚鵡

一作勅  
放歸山

留別王侍御  
不遇詠鸚鵡

落羽辭金殿孤鳴咤

一作託

繡衣能言終見棄還向隴西

一作  
山飛

紫藤樹

紫藤挂雲木花蔓宜陽春密葉隱歌鳥香風留美人

觀放白鷹二首

八月邊風高胡鷹白錦毛孤飛一片雪百里見秋毫  
寒冬十二月蒼鷹八九毛寄言燕雀莫相啅自有雲霄  
萬里高

觀博平王志安少府山水粉圖

一作壁

粉壁為空天丹青狀江海遊雲不知歸日見白鷗在博  
平真人王志安沈吟至此願挂冠松溪石磴帶秋色愁  
客思歸坐曉寒

題雍丘崔明府丹竈

美人為政本忘機服藥求仙事不違  
葉縣已泥丹竈畢瀛洲當伴赤松歸  
先師有訣神將助大聖無心火自飛  
九轉但能生羽翼雙鳧忽去定何依

觀元丹丘坐巫山屏風

昔遊三峽見巫山見畫巫山宛相似  
疑是天邊十二峰飛入君家彩屏裏  
寒松蕭瑟如有聲陽臺微茫如有情  
錦衾瑤席何寂寂楚王神女徒盈盈  
高一本有唐字咫尺如千里  
翠屏丹崖燦如綺蒼蒼遠樹圍荆門  
歷歷行舟泛

巴水水石潺湲萬壑分  
烟光草色俱氤氳  
溪花笑日何年發  
江客聽猿幾歲聞  
使人對此心緬邈  
疑入嵩丘夢綵雲

求崔山人百丈崖瀑布圖

百丈素崖裂四山  
丹壁開龍潭中噴射  
晝夜生風雷但見瀑泉落如瀑  
雲漢來聞君寫真圖  
島嶼備縈迴石黛刷幽草  
曾青澤古苔幽緘儻相傳  
何必向天台

見野草中有曰白頭翁者



醉入田家去行歌荒野中如何青草裏亦有白頭翁折  
取對明鏡宛將衰鬢同微芳似相諷留恨向東風

流夜郎題葵葉

慙君能衛足嘆我遠移根白日如分照還歸守故園

瑩禪師房觀山海圖

真僧閉精宇滅跡含達觀列嶂圖雲山攢峰入霄漢丹  
崖森在目清晝疑卷幔蓬壺來軒窗瀛海入几案煙濤  
爭噴薄島嶼相凌亂征帆飄空中瀑水灑天半崢嶸若

可陟想像徒盈嘆香與真心冥遂諧靜者翫如登赤城  
裏揭步滄洲畔即事能娛人從茲得消散

白鷺鷥

白鷺下秋水孤飛如墜霜心閒且未去獨立沙洲傍

詠槿

園花笑芳年池草艷春色猶不如槿花嬋娟玉階側芬  
榮何夭促零落在瞬息豈若瓊樹枝終歲長翕絕

詠桂

卷一百一十三  
世人種桃李皆在金張門攀折爭捷徑及此春風暄一  
朝天霜下榮耀難久存安知南山桂綠葉垂芳根清陰  
亦可托何惜樹君園

白胡桃

紅羅袖裏分明見白玉盤中看却無疑是老僧休念誦  
腕前推下水晶珠

巫山枕障

巫山枕障畫高丘白帝城邊樹色秋朝雲夜入無行處

巴水橫天更不流

南奔書懷

一作自丹陽南奔道中作  
此詩蕭士贇云是偽作

遙夜何漫漫

一作何時旦

空歌白石爛甯戚未匡齊陳平終

佐漢攬槍掃河洛直割鴻溝半歷數方未逸雲雷屢多

難天人秉旄鉞虎竹光藩翰侍筆黃金臺傳觴青玉案

不因秋風起自有思歸嘆主將動讒疑王師忽離叛自

來白沙上

一作兵羅  
滄海上

鼓譟丹陽岸賓御如浮雲從風各

消散舟中指可掬城上骸爭爨草草出近關行行昧前

算南奔劇星火北寇無涯畔顧之七寶鞭留連道傍翫  
太白夜食昴長虹日中貫秦趙興天兵茫茫九州亂感  
遇明主恩頗高祖遜言過江誓流水志在清中原拔劍  
擊前柱悲歌難重論

欽定四庫全書蒼要卷一萬七千五百八十九

集部

御定全唐詩卷一百八十四

李白

題隨州紫陽先生壁

神農好長生風俗久已成復聞紫陽容早署丹臺名喘  
息餐妙氣步虛吟真聲道與古仙合心將元化并樓疑  
出蓬海鶴似飛玉京松雪窗外曉池水階下明忽耽笙  
歌樂頗失軒冕情終願惠金液提攜凌太清

題元丹丘山居

故人棲東山自愛丘壑美青春臥空林白日猶不起松  
風清襟袖石潭洗心耳羨君無紛喧高枕碧霞裏

題元丹丘潁陽山居

并序

丹丘家於潁陽新卜別業其地北倚馬嶺連峰嵩  
丘南瞻鹿臺極目汝海雲巖映鬱有佳致焉白從  
之遊故有此作

仙遊渡潁水訪隱同元君忽遺蒼生望獨與洪崖羣卜

地初晦跡興言且成文却顧北山斷前瞻南嶺分遙通  
汝海月不隔嵩丘雲之子合逸趣而我欽清芬舉跡倚  
松石談笑迷朝曛益一作終願狎青鳥拂衣棲江濱

題瓜洲新河餞族叔舍人賁

齊公鑿新河萬古流不絕豐功利生人天地同朽滅兩  
橋對雙閣芳樹有行列愛此如甘棠誰云敢攀折吳關  
倚此固天險自茲設海水落斗門湖平見沙汭我行送  
季父弭櫂徒流悅楊花滿江來疑是龍山雪惜此林下



興愴為山陽別瞻望清路塵歸來空寂滅

洗脚亭

白道向姑熟洪亭臨道傍前有昔時井下有五丈牀  
樵女洗素足行人歇金裝西望白鷺洲蘆花似朝雪  
送君此時去回首淚成行

勞勞亭

天下傷心處勞勞送客亭春風知別苦不遣柳條青

題金陵王處士水亭

此亭蓋齊朝南苑  
又是陸機故宅

王子耽玄言賢豪多在門好鵝尋道士愛竹嘯名園樹

色老

一作秀

荒苑池光蕩華軒此堂見明月更憶陸平原

埽拭青玉簟為余置金尊醉罷

一作後

欲歸去花枝宿鳥

喧何時復來此再得洗囂煩

題嵩山逸人元丹丘山居

并序

白久在廬霍元公近遊嵩山故交深情出處無間  
巖信頻及許為主人欣然適會本意當冀長往不

返欲便舉家就之兼書共遊因有此贈

家本紫雲山道風未淪落沉懷丹丘志冲賞歸寂寞竭  
來遊閩荒捫涉窮禹鑿黃緣泛潮海偃蹇陟廬霍憑雷  
躡天窗弄影憇霞閣且欣登眺美頗愜隱淪諾三山曠  
幽期四岳聊所託故人契嵩穎高義炳丹腹滅跡遺紛  
囂終言本峯壑自矜林湍好不羨朝市樂偶與真意并  
頓覺世情薄爾能折芳桂吾亦採蘭若拙妻好乘鸞嬌  
女愛飛鶴捉攜訪神仙從此鍊金藥

題江夏修靜寺

此寺是李北海舊宅

我家北海宅作寺南江濱空庭無玉樹高殿坐幽人書

帶留青草琴堂

一作臺

暮素塵平生種桃李寂滅不成春

題宛溪館

吾憐宛溪好百尺照心明

一作久照  
心益明

何謝新安水千尋

覓底清白沙留月色綠竹助秋聲却笑巖湍上于今獨  
擅名

題東谿公幽居

杜陵賢人清且廉東溪卜築歲將淹宅近青山同謝朓

門垂碧柳似陶潛好鳥迎春歌後院飛花送酒舞前簷  
客到但知留一醉盤中祇有水晶鹽

嘲魯儒

魯叟談五經白髮死章句問以經濟策茫如墜烟霧足  
著遠遊履首戴方山巾緩步從直道未行先起塵秦家  
丞相府不重褒衣人君非叔孫通與我本殊倫時事且  
未達歸來汶水濱

懼讒

二桃殺三士詎假劔如霜衆女妬蛾眉雙花競春芳魏  
姝信鄭裒掩袂對懷王一惑巧言子朱顏成死一作傷  
行將泣團扇戚戚愁人腸

觀獵

太守耀清威乘閒弄晚暉江沙黃獵騎山火遠行圍箭  
逐雲鴻落鷹隨月兔飛不知白日暮歡賞夜方歸

觀

一作聽

胡人吹笛

胡人吹玉笛一半是秦聲十月吳山曉梅花落敬亭愁

間出塞曲淚滿逐臣纓却望長安道空懷戀主情

軍行

一作從軍行  
一作行軍

騶馬新跨

一作誇

白玉鞍戰罷沙場月色寒城頭鐵鼓聲

猶震匣裏金刀血未乾

從軍行

百戰沙場碎鐵衣城南已合數重圍突營射殺呼延將  
獨領殘兵千騎歸

平虜將軍妻

平虜將軍婦入門二十年君心自有悅妾寵豈能專出  
解林前帳行吟道上篇古人不唾井莫忘昔纏綿

春夜洛城聞笛

誰家玉笛暗飛聲散入春風滿洛城此夜曲中間折柳  
何人不起故園情

嵩山採菖蒲者

神仙

一作人

多古貌雙耳下垂肩嵩嶽逢漢武疑是九疑

仙我來採菖蒲服食可延年言終忽不見滅影入雲煙



喻帝竟莫悟終歸茂陵田

金陵聽韓侍御吹笛

韓公吹玉笛個儻流英音風吹繞鍾山萬壑皆龍吟王  
子停鳳管師襄掩瑤琴餘韻度江去天涯安可尋

流夜郎聞酺不預

北闕聖人歌太康南冠君子竄遐荒酺聞奏鈞天樂  
願得風吹到夜郎

放後遇恩不霑

天作雲與雷霈然德澤開東風日本至白雉越裳來獨  
棄長沙國三年未許回何時入宣室更問洛陽才

宣城見杜鵑花

一作杜牧詩  
題云子規

蜀國會聞子規鳥宣城還見杜鵑花一叫一迴腸一斷  
三春三月憶三巴

白田馬上聞鶯

黃鸝啄紫椹五月鳴桑枝我行不記日誤作陽春時  
老客未歸白田已綠絲驅馬又前去捫心空自悲

三五七言

秋風清秋月明落葉聚還散寒鴉棲復驚相思相見知  
何日此時此夜難為情

雜詩

白日與明月晝夜尚

一作常

不閒况爾悠悠人安得久世

間傳聞海水上乃有蓬萊山玉樹生綠葉靈仙每登攀  
一食駐玄髮再食留紅顏吾欲從此去去之無時還

寄遠十一首

三鳥別王母銜書來見

一作相

過腸斷若剪弦其如愁思

何遙知玉窗裏纖手弄雲和奏曲有深意青松交女蘿  
寫水山井中同泉豈殊波秦心與楚恨皎皎為誰多

青樓何所在乃在碧雲中寶鏡挂秋水

一作月

羅衣輕春

風新妝坐落日悵望金

一作錦

屏空念此

一作剪綵

送短書願

因雙飛鴻

本作一行書殷勤道相憶一行復一行滿紙情何極  
瑤臺有黃鶴為報青樓人朱顏凋落盡白髮一何新自知

未應還離居

一作君

經三春桃李令若為當窗發光彩莫

使香風飄留與紅芳待

玉筋落春鏡坐愁湖陽水間與陰麗華風煙接鄰里青

春已復過白日忽相催但恐荷

一作飛

花晚令人意已摧

相思不惜夢日夜向陽臺

遠憶巫山陽花明淥江暖躊躇未得往淚向南雲滿春

風復無情吹我夢魂斷不見眼中人天長音信短

陽臺隔楚水春草生黃河

一作陰雲隔楚水轉蓬落渭河

相思無日夜

浩蕩若流波流波向海去欲見終無因

一作定遠  
珠江濱

遙將

一點淚遠寄如花人

妾在春陵東君居漢江島一日望花光往來成白道

一作

日日采蘼蕪  
上山成白道

一為雲雨別此地生秋草秋草秋蛾飛相

思愁落暉何由一相見滅燭解羅衣

一本無此二句落  
暉下有昔時攜手

去今日流淚歸遙知不

得意玉筋點羅衣四句

憶昨東園桃李紅碧枝與君此時初別離金瓶落井無  
消息令人行歎復坐思坐思行歎成楚越春風玉顏畏

銷歇碧窗紛紛下落花青樓寂寂空明月兩不見但相  
思空留錦字表心素至今緘愁不忍窺

長短春草綠綠階如有情卷施心獨苦抽却死還生觀  
物知妾意希君種後庭閒時當採掇念此莫相輕

魯縞如玉霜筆一作剪題月氏書寄書白鸚鵡西海慰離

居行數雖不多字字有委曲天末如見之開緘淚相續  
淚盡恨轉深千里同此心一作千里若在眼萬里若在心相思千萬里

一書直千金

愛君芙蓉嬋娟之艷色色可餐兮難再得憐君冰玉清  
迥之明心情不極兮意已深朝共琅玕之綺食夜同鴛  
鴦之錦衾恩情婉孌忽為別使人莫錯亂愁心亂愁心  
涕如雪寒燈厭夢魂欲絕覺來相思生白髮盈盈漢水  
若可越可惜凌波步羅襪美人美人兮歸去來莫作朝  
雲暮雨兮飛陽臺

長信宮

一作長  
信怨

月皎昭陽殿霜消長信宮天行乘玉輦飛燕與君同別



有歡娛處

一作更有  
留情處

承恩樂未窮誰憐團扇妾獨坐怨

秋風

長門怨二首

天迴北斗挂西樓金屋無人螢火流月光欲到長門殿  
別作深宮一段愁

桂殿長愁不記春黃金四屋起秋塵夜懸明鏡青天上  
獨照長門宮裏人

春怨

白馬金羈遼海東羅帷繡被臥春風  
落月低軒窺燭盡  
飛花入戶笑林空

代贈遠

妾本洛陽人狂夫幽燕客  
渴飲易水波由來多感激  
胡馬西北馳香駿搖綠絲  
鳴鞭從此去逐虜蕩邊陲  
昔去有好言不言久離別  
燕支多美女走馬輕風雪  
見此不記人恩情雲雨絕  
啼流玉筋盡坐恨金閨切  
織錦作短書腸隨回文結  
相思欲有寄恐君不見察  
焚之揚其灰

手跡自此滅

陌上贈美人

一作小  
放歌行

駿馬驕行踏落花  
垂鞭直拂五雲車  
美人一笑褰珠箔  
遙指紅樓是妾家

閨情

流水去絕國  
浮雲辭故關  
水或戀前浦  
雲猶歸舊山  
恨君流一作龍  
沙去棄妾  
漁陽間  
玉筯夜垂一作日夜  
流雙雙落

朱顏黃鳥坐相悲  
綠楊誰更攀  
織錦心草草  
挑燈淚斑斑

斑窺鏡不自識况乃狂夫還

代別情人

清水本不動桃花發岸傍桃花弄水色波蕩搖春光我  
悦子容艷子傾我文章風吹綠琴去曲度紫鴛鴦昔作  
一水魚今成兩枝鳥哀哀長雞鳴夜夜達五一作曉起  
折相思樹歸贈知寸心覆水不可收行雲難重尋天涯  
有度鳥莫絕瑤華音

代秋情

幾日相別離門前生穠葵寒蟬聒梧桐日夕長鳴悲白  
露濕螢火清霜凌兔絲空掩紫羅袂

一作空閨  
掩羅袂

長啼無

盡時

對酒

蒲萄酒金叵羅吳姬十五細馬馱青黛畫眉紅錦靴道  
字不正嬌唱歌玳瑁筵中懷裏醉芙蓉帳底奈君何

怨情

新人如花雖可寵故人似玉由來重花性飄揚不自持

玉心皎潔終不移故人昔新今尚故還見新人有故時  
請看陳后黃金屋寂寂珠簾生網絲

湖邊採蓮婦

小姑織白苧未解將人語大嫂採芙蓉溪湖千萬重長  
兄行不在莫使外人逢願學秋胡婦貞心比古松

怨情

美人捲珠簾深坐顰蛾眉但見淚痕濕不知心恨誰

代寄情楚詞體

君不來兮徒蓄怨積思而孤吟雲陽一去已遠隔巫山  
綠水之沈沈留餘香兮染繡被夜欲寢兮愁人心朝馳  
余馬於青樓恍若空而夷猶浮雲深兮不得語却惆悵  
而懷憂使青鳥兮銜書恨獨宿兮傷離居何無情而雨  
一作  
絕夢雖往而交踈橫流涕而長嗟折芳洲之瑤華  
送飛鳥以極目怨夕陽之西斜願為連根同死之秋草  
不作飛空之落花

學古思邊

銜悲上隴首腸斷不見君流水若有情幽哀從此分蒼  
茫愁邊色惆悵落日曛山外接遠天天際復有雲白雁  
從中來飛鳴苦難聞足繫一書札寄言難離羣離羣心  
斷絕十見花成雪胡地無春暉征人行不歸相思杳如  
夢珠淚濕羅衣

思邊

一作  
春怨

去年何時君別妾南園綠草飛蝴蝶今歲何時妾憶君  
西山白雪暗晴雲玉闕去此三千里欲寄音書那可聞



口號吳王美人半醉

風動荷花水殿香  
姑蘇臺上宴吳王  
西施醉舞嬌無力  
笑倚東窗白玉牀

代美人愁鏡二首

明明金鵲鏡了了玉臺前  
拂拭交冰月光輝何清圓  
紅顏老昨日白髮多去年  
鉛粉坐相誤照來空淒然

美人贈此盤龍之寶鏡  
燭我金縷之羅衣  
時將紅袖拂明月  
為惜普照之餘暉  
影中金鵲飛不滅  
臺下青鸞思

獨絕橐砧一別若箭弦去有日來無年狂風吹却妾心  
斷玉筋并墮菱花前

贈段七娘

羅襪凌波生網塵那能得計訪情親千杯綠酒何辭醉  
一面紅妝惱殺人

別內赴徵三首

王命三徵去未還明朝離別出吳關白玉高樓看不見  
相思須上望夫山

出門妻子強牽衣問我西行幾日歸歸時儻佩黃金印  
莫學蘇秦不下機

翡翠為樓金作梯誰人獨宿倚門啼

一作卷簾愁  
坐待鳴雞

夜坐

一作  
泣

寒燈連曉月行行淚盡楚關西

秋浦寄內

我今尋陽去辭家千里餘結荷倦

一作  
愁

水宿却寄大雷

書雖不同辛苦愴離各自居我自入秋浦三年北信疎  
紅顏愁落盡白髮不能除有客自梁苑手攜五色魚開

魚得錦字歸問我何如江山雖道阻意合不為殊

自代內贈

寶刀截流水無有斷絕時妾意逐君行纏綿亦如之別

來門前草秋巷春轉碧

一作春盡  
秋轉碧

埽盡更還生萋萋滿

行跡鳴鳳始相得雄驚雌各飛遊雲落何山一往不見

歸估客發大樓

一作  
東海

知君在秋浦梁苑空錦衾陽臺夢

行雨妾家三作相失勢去西秦猶有

一作  
存

舊歌管淒清聞

四鄰曲度入紫雲啼無眼中人

此下一本有女弟爭笑  
弄悲羞淚盈巾二句

妾似井底桃開花向誰笑君如天上月不肯一迴照窺  
鏡不自識別多憔悴深安得秦吉了為人道寸心

秋浦感主人歸燕寄內

霜凋楚關木始知殺氣嚴寥寥金天廓婉婉綠紅潛胡  
燕別主人雙雙語前簷三飛四迴顧欲去復相瞻豈不  
戀華屋終然謝珠簾我不及此鳥遠行歲已淹寄書道  
中歎淚下不能緘

送內尋廬山女道士李騰空二首

君尋騰空子應到碧山家  
水春雲母碓風埽石楠花  
若愛幽居好相邀弄紫霞

多君相門女學道愛神仙  
素手掬青靄羅衣曳紫煙一

往屏風疊乘鸞着玉鞭

一作不着鞭

贈內

三百六日日日醉如泥  
雖為李白婦何異太常妻

在潯陽非所寄內

聞難知慟哭行啼入府中  
多君同蔡琰流淚請曹公知

登吳章嶺昔與死無分崎嶇行石道外折入青雲相見  
若悲歎哀聲那可聞

南流夜郎寄內

夜郎天外怨離居明月樓中音信疎北雁春歸看欲盡  
南來不得豫章書

越女詞五首

越中書  
所見也

長干吳兒女眉目艷新月屐上足如霜不着鴉頭襪  
吳兒多白皙好為蕩舟劇賣眼擲春心折花調行客

耶溪採蓮女見客擢歌迴笑入荷花去佯羞不出來  
東陽素足女會稽素舸郎相看月未墮白地斷肝腸  
鏡湖水如月耶溪女似雪新妝蕩新波光景兩奇絕

浣紗石上女

玉面耶溪女青蛾紅粉妝一雙金齒屐兩足白如霜

示金陵子

一作金陵子詞

金陵城東誰家

一作金陵

子竊聽琴聲碧

一作夜

窗裏落花一

片天上來隨人直渡西江水楚歌吳語嬌不成似能未



能最有情謝公正要東山妓攜手林泉處處行

出妓金陵子呈盧六四首

安石東山三十春傲然攜妓出風塵樓中見我金陵子  
何似陽臺雲雨人

南國新豐酒東山小妓歌對君君不樂花月奈愁何  
東道煙霞主西江詩酒筵相逢不覺醉日墮歷陽川  
小妓金陵歌楚聲家僮丹砂學鳳鳴我亦為君飲清酒  
君心不肯向人傾

巴女詞

巴水急如箭巴船去若飛十月三千里郎行幾歲歸

哭晁卿衡

日本晁卿辭帝都征帆一片繞蓬壺明月不歸沈碧海  
白雲愁色滿蒼梧

自漂水道哭王炎三首

白楊雙行行白馬悲路傍晨興見曉月更似發雲陽漂  
水通吳闕逝川去未央故人萬化盡閉骨茅山岡天上

陞玉棺泉中掩龍章名飛日月上義與風雲翔逸氣竟  
莫展英圖俄天傷楚國一老人來嗟龔勝亡有言不可  
道雪泣憶蘭芳

王公希代寶棄世一何早弔死不及哀殯宮已秋草悲  
來欲脫劔挂向何枝好哭向茅山雖未摧一生淚盡丹  
陽道

王家碧瑤樹一樹忽先摧海內故人泣天涯弔鶴來未  
成霖雨用先失濟川材一罷廣陵散鳴琴更不開

哭宣城善釀紀叟

紀叟黃泉裏，還應釀老春。  
夜臺無曉日，沽酒與何人？

一作

題戴老酒店云：戴老黃泉下，還應釀大春。夜臺無李白，沽酒與何人。

宣城哭蔣徵君華

敬亭埋玉樹，知是蔣徵君。  
安得相如草，空餘封禪文。  
池臺空有月，詞賦舊凌雲。  
獨挂延陵劍，千秋在古墳。

御定全唐詩卷一百八十四

謹案卷一百八十第二頁後六行焦山望寥山按

李集作望松寥山

卷一百八十一第二頁後二行如今了然識所在  
刊本識訛失據李集改

第八頁後一行一作兩按兩字疑誤

卷一百八十二第八頁前七行倚石聽流泉按李

集石作樹

卷一百八十三第一頁後三行碧樹搖蒼空按李

集蒼作煙

卷一百八十四第二頁前八行惜此林下興按李

集林作花

第十四頁前八行西山白雪暗晴雲按李集晴作

秦





總校官庶吉士 臣 張能照

校對官檢討 臣 蕭九成

謄錄舉人 臣 張 昱



欽定四庫全書薈要

集部

御定全唐詩卷一百八十八

五至

詳校官侯補通政司經歷臣郭祚藏



欽定四庫全書薈要卷一萬七千五百九十集部

御定全唐詩卷一百八十五

李白 補遺

鞠歌行

以下見文苑英華

麗莫似漢宮妃  
謙莫似黃家女  
黃女持謙齒  
髮高漢妃  
恃麗天庭去  
人生容德不自保  
聖人安用推  
天道君不見  
蔡澤嵌枯詭  
怪之形狀大言直  
取秦丞相  
又不見田  
千秋才智不出人  
一朝富貴如有神  
二侯行事在方冊

泣麟老人終困厄夜光抱恨良歎悲日月逝矣吾何之

胡無人

十萬羽林兒臨洮破郅支殺添胡地骨降足漢營旗塞  
閣牛羊散兵休帳幕移空餘隴頭水嗚咽向人悲

月夜金陵懷古

蒼蒼金陵月空懸帝王州天文列宿在霸業大江流綠  
水絕馳道青松摧古丘臺傾鳩鵲觀宮沒鳳凰樓別殿  
悲清暑芳園罷樂遊一聞歌玉樹蕭瑟後庭秋

冬日歸舊山

未洗染塵纓歸來芳草平一條藤徑綠萬點雪峰晴地  
冷葉先盡谷雲寒不行嫩篁侵舍密古樹倒江橫白犬  
離村吠蒼苔壁上生穿厨孤雉過臨屋舊猿鳴木落禽  
巢在籬疎獸路成拂牀蒼鼠走倒篋素魚驚洗硯修良  
策敲松擬素貞此時重一去去合到三清

望夫石

髣髴古容儀含愁帶曙輝露如今日淚苔似昔年衣有

恨同湘女無言類楚妃寂然芳靄內猶若待夫歸

對雨

卷簾聊舉目露濕草綿芊古岫藏雲毳空庭織碎烟水  
紋愁不起風線重難牽盡日扶犁叟往來江樹前

曉晴

一作  
晚晴

野涼疎雨歇春色徧萋萋魚躍清池滿鶯吟綠樹低野  
花妝面濕山草紐斜齊零落殘雲片風吹挂竹谿

初月

玉蟾離海上白露濕花時雲畔風生爪沙頭水浸眉樂  
哉弦管客愁殺戰征兒因絕西園賞臨風一詠詩

雨後望月

四郊陰靄散開戶半蟾生萬里野霜合一條江練橫出  
時山眼白高後海心明為惜如團扇長吟到五更

賦得鶴送史司馬赴崔相公幕

崢嶸丞相府清切鳳凰池羨爾瑤臺鶴高樓瓊樹枝歸  
飛晴日好吟弄惠風吹正有乘軒樂初當學舞時珍禽

在羅網微命若游絲願托周周羽相銜漢水湄

送客歸吳

江村秋雨歇酒盡一帆飛路歷波濤去家惟坐卧歸  
島花開灼灼汀柳細依依別後無餘事還應埽釣磯

送友生遊峽中

風靜楊柳垂看花又別離幾年同在此今日各驅馳  
峽裏聞猿叫山頭見月時殷勤一杯酒珍重歲寒姿

送袁明府任長沙

別離楊柳青樽酒表丹誠  
古道攜琴去深山見峽迎  
暖風花繞樹秋雨早沿城  
自此長江內無因夜犬驚

鄒衍谷

燕谷無煖氣窮巖閉嚴陰  
鄒子一吹律能迴天地心

雜言用投丹陽知己兼奉宣慰判官

以下見詩紀第八句

缺二字

客從崑崙來遺我雙玉璞  
云是古之得道者西王母  
食之餘食之可以凌太虛  
受之頗謂絕今昔求識江  
淮人



猶乎比石如今雖在卞和手  
正憔悴了了知之亦

何益恭聞士有調相如始從鎬京還復欲鎬京去能上  
秦王殿何時迴光一相眄欲投君保君年幸君持取無  
棄捐無棄捐服之與君俱神仙

觀魚潭

觀魚碧潭上木落潭水清日暮紫鱗躍圓波處處生涼  
煙浮竹盡秋月照沙明何必滄浪去茲馬可濯纓

自廣平乘醉走馬六十里至邯鄲登城樓覽古

書懷

醉騎白花馬

一作駱

西走邯鄲城揚鞭動

一作度

柳色寫鞵

春風生入郭登高樓山川與雲平深宮翳綠草

一作雄都半古

冢

萬事傷人情相如章華巔猛氣折秦嬴兩虎不可鬪

廉公終負荆提攜袴中兒杵臼及程嬰立孤就白刃

一作

空孤獻白刃

必死耀丹誠平原三千客談笑盡豪英毛君能

穎脫一國且同盟皆為黃泉土使我涕縱橫磊磊石子  
岡蕭蕭白楊聲諸賢沒此地碑版有殘銘太古共今時

由來互

一作同

哀榮傷哉何足道感激仰空名趙俗愛長

劔文儒少逢迎閒從博陵

一作徒

遊暢飲雪朝醒歌酣易

水動鼓震叢臺傾日落把燭歸凌晨向燕京方陳五餌  
策一使胡塵清

宣州長史弟昭贈余琴谿中雙舞鶴詩以見志  
令弟佐宣城贈余琴谿鶴謂言天涯雪忽向窗前落白  
玉為毛衣黃金不肯博背風振六翮對舞臨山閣顧我  
如有情長鳴似相託何當駕此物與爾騰寥廓

題舒州司空山瀑布

斷崖如削爪嵐光破崖綠  
天河從中來白雲漲川谷  
玉案赤文字世眼不可讀  
攝身凌青霄松風拂我足

金陵新亭

金陵風景好豪士集新亭  
舉目山河異偏傷周顛情  
四坐楚囚悲不憂社稷傾  
王公何慷慨千載仰雄名

上清寶鼎詩

前首見東觀餘論後  
首見王直方詩話

我居清空表君處紅埃中  
仙人持玉尺廢君多少才  
玉

尺不可盡君才無時休

嚙服十二環奄有仙人房暮騎紫麟去海氣侵肌涼贈  
我纍纍珠靡靡明月光

題許宣平菴壁

見詩話  
類編

我吟傳舍詠來訪真人居煙嶺迷高跡雲林隔太虛窺  
庭但蕭瑟倚杖空躊躇應化遼天鶴歸當千歲餘

戲贈杜甫

以下見唐  
詩紀事

飯顆山頭逢杜甫頂戴笠子日卓午借問別來

一作  
因何

太

瘦生總為從前作詩苦

春感詩

白隱居戴天匡山往來旁郡依潼江趙微君黈黈亦節士任俠有氣善為縱橫學著書

號長短經白從學歲餘去遊成都

賦此詩益州刺史蘇頌見而異之

茫茫南與北道直事難諧  
榆莢錢生樹楊花玉糝街塵  
縈遊子面蝶弄美人釵  
却憶青山上雲門掩竹齋

白微時募縣小吏入令卧内嘗驅牛經堂下令  
妻怒將加詰責白亟以詩謝云

素面倚欄鉤嬌聲出外頭  
若非是織女何得問牽牛

句

炤隨紅日去煙逐暮雲飛

令一日賦山火詩云野火燒山後人歸火不歸思軋不屬

白從旁綴其

下句令懸止

綠鬢隨波散紅顏逐浪無因何逢伍相

應是想秋胡

白從令觀漲有女子溺死江上令賦詩云二八誰家女漂來倚岸蘆鳥窺眉上翠魚

弄口旁珠令復苦吟白輒應聲繼之

舉袖露條脫招我飯胡麻

見二老堂詩話

御定全唐詩卷一百八十五